

海倫雜詠

地430.159
941

北京公私合营 中原 联合书店

書名

价格

0.50

册数

1

地址: 东安市場

電話5.2357

海倫雜詠

馮文洵

海倫設官洎今僅二十五年草萊甫闢文獻無徵洵宰是邦
三年又半茲就經歷所得見聞所及與夫稽之檔冊詢諸耆
老者製雜詠二十六首自知詞句鄙俚事實挂漏不免為
方家笑亦聊備將來重修縣乘時為採輯之一助云爾
民國十年七月誌

前代圍場地

海倫在前清時為皇室圍場

當年盡索倫羣居依水草

索倫為蒙古種族之一逐水草而居

廿載斬荆

榛

光緒二十三年始設通肯副都統兼辦墾務

廳治今稱縣旗官早改民

光緒三十一年裁通肯副都統改設海倫直隸廳同知青岡拜泉兩縣隸焉宣統元年升廳為府民

國二年改府為縣

良田三十萬阡陌接魚鱗

原有地六十三萬餘响自通北望奎分治後尙有三十三萬响(一响計地十畝)

舊治名通肯

因通肯河得名時人仍呼之

新疆劃望奎

五年(即民國五年)下做此望奎設治劃出腹地二十萬响

教堂分大小

城北有大

天主堂小天主堂

營址設東西

城內東街及城西有營房兩處俗名東營西營

村落咸稱井

如乾字某行某井恭寬信敏惠墨等字水師營及正紅正藍兩藍兩白兩紅等旗各井

海倫雜詠

濱江墨林堂鉛印

河流誤號泥

克音河俗呼為黑泥河又簡稱為泥河

傷心說倫鎮再陷鐵公雞

倫河鎮即十二井子城西南一百一十里曾設警察分所商務發達

二年被匪攻陷八年秋匪首鐵公雞率三百餘人又攻入鎮街商民損失甚鉅

哈埠與奎城均須五日程

由海倫至哈爾濱經綏化呼蘭等縣城計四百五十里至卜奎(即省城)經拜泉縣城林甸縣界計五百八十里

道途休計

里道里以井計算每井六里六其實溝窪城甸均不在內故里數不準

窩堡每稱棚

墾地之戶均修窩堡外籍人無家口者謂之跑腿窩堡俗又呼為窩棚

白幌店難住

預備飯菜者挂紅幌為紅幌店無飯菜者為白幌店客人須自備食物頗稱困難

花輪車易行

運送旅客多花輪車又名小脚子車

江開二三月前後近清

明 每年二月清明則清明前開江三月清明則清明後始開江

再議城基定

始擬設城基於大煙雨地方

通衢闢六門

除四門外尙有東南門西北門

壕平成土道

城壕失修通行成路八年挖修一次旋又積圯

十年夏又由商會籌修

院大乏磚垣

土質鬆散不能築牆居民多用木板為障有磚牆者僅數家

柴市分糧市

柴市在南門內路東糧市在北二道街東首

變菜園

花園二處花種無多後因種菜利厚遂均種菜

樓台歌舞地終日絃管喧

戲園一娼寮數十家

西北環通肯

縣境西九十里北七十里均為通肯河河之西拜泉屬河之北即通北也

東南接克音

東南五十五里為克音河過河為綏化綏稜兩縣界

農田棄

河套

沿河之地為河套又曰沿江地多不可墾

盜藪在森林

海倫轄境無山林距青山僅百里山內林深箐密夙為盜藪向有山林警察隊七年裁歸山林警察局旋又規復

行路防

青幃

禾稼起時為青紗幃亦曰青幃子易藏匪

山居種黑金

青山內鴉片甚多或為匪種或為匪庇俗呼煙為黑金子

堂堂禁煙會徒具改良

心

城內有萬國禁煙改良會而煙害仍未盡除

荒放慶都統

光緒三十年奏廢旗領民墾之制始准旗民兼墾放荒者為慶副都統祺字雲峯瑗瑗人

富推孫秀才

水師營十四井孫秀才家地五千响富冠於全境

清貞

校中止

擬辦清真學校因回教自起衝突遂中止

慈善會重開

舊有慈善會辦理賑務十年農會會長尤成德重組設總會於農會

俘虜曾優待

中德宣戰各國俘虜

在各縣散居名為外賓招待所六年冬始設俘虜收容所於海倫各縣送來俘虜多至一百五十餘名中以德奧兩國人為多數派軍官總其事衣食豐美出入自由並有憲兵陸軍護守九年春撤所歸併省城

饑民自遠來

五月自天津移來直魯難民四百名分屯安插慈善會捐助糧米甚多

豐年籌積穀聊以備偏災

九年冬分鄉積穀

水作反弓勢

札克與海倫兩河相背分流

城沿拐把名

舊城西北又展放城基為拐把子城

警星猶設所

替者設一會名曰警星公所

土任挖坑

城附近有官土坑六處(挖讀平聲)

探木通原創

六年設通原林業公司後又有與北通益等公司

投機信託成

商會曾設錢業公所虧累

愚民惟好訟鼠雀

甚鉅六年紳商爭辦信託致起風潮擄官罷市七年二月始歸官辦事頗發達惟以交通不便糧業不興八年差帖價落買賣尚多九年春差價愈低擬添講大洋江洋金票亦未辦到六月停辦

海倫雜詠

二

濱江墨林堂鉛印

苦相爭

往往為小事爭訟不休

丁祀春秋重巍巍孔廟尊

八年捐修孔廟於城之東南隅九年大成殿落成

褒揚崇盛典

節婦王李氏尤劉氏宣黃氏孝子翟天池均呈請褒揚

追悼慰英魂

保董王世慶劉永錫團丁尙德山等戰歿開追悼會二次於關帝廟

衣食家從儉婚喪禮不繁三弓農校

地留待闢公園

農校在城東南隅有隙地可作公園

祥雀難繁盛

祥雀鎮即張家店城西南四十里商戶無多

新基展海興

海興鎮即敏字十井又名新街基城西南七十餘里

隆冬晴作雪

冬寒晴天

霏雪謂之清雪

炎夏井存冰

井內冰經夏不化

地憶前番丈

光緒三十二年清丈一次三年清丈全省惟海倫未與

兵經兩次徵

四年徵兵

金融難整頓物價日加增

江省錢法最亂向無現洋亦無大洋行市通行者惟銀及廣信公司江錢紙幣官銀號小洋紙幣與俄幣差帖(即盧布)而已商民往來以江錢為本位官家薪餉以小洋一元二角折合大洋(江錢小洋向不兌現)最初小洋一元僅合江錢二吊嗣因公司出幣日多三年小洋一元已漲至江錢十吊左右彼時小洋一元二角五分仍可匯大洋一元數年以來江錢愈荒小洋愈漲以小洋折大洋虧折亦愈甚

八年間須以小洋四元折合大洋一元物價飛漲各界叫苦當局憂之收回小洋券改出本省匯兌券(亦公司所出)九年春軍餉發五成小洋五成匯兌券政界發七成小洋三成匯兌券十年一月軍界統發匯兌券政界發七成匯兌券洋折合漲落無定以十年六月錢價為比例現大洋合江錢七十吊上下匯兌券合江錢五十四五吊小洋合江錢三十四五吊市面亦通用大洋及匯兌券而小洋自收回後有行無市如需小洋時則以匯兌券或江錢折合通用現銀如需整寶(即五十餘兩一錠者)尚可購得零星銀兩

亦有行無市此本省銀洋錢幣之大概也從前商家購貨皆用卷帖卷帖一張(即一元)較大洋價高一二角七八年時一落千丈九年則幾同廢紙矣商民因存儲卷帖而受損失者不可勝計(海倫某甲以小販積江錢十萬吊七年冬擬購大洋二千元寄家適見卷帖每張落至江錢四吊餘遂以全數購卷帖兩萬張希圖將來漲價可獲大利乃不數月間卷價益落大洋價日益高再以卷易錢不過江錢五千餘吊僅值大洋七八十元耳某甲以是病歿此卷帖害人之一明証也)卷帖既無用矣而商家運貨多自營口大連來又均用金票(即日金)交易時貨先發運欸以三六九臘等月為期期一到金票價昂商家以隨市低價售貨之江錢再以高價購買金票歸還貨欸虧賠之數不止倍蓰噫金融紊亂受制外幣為害豈淺鮮哉

利重誰儲蓄 金融奇緊利息甚大貸款利息除中國銀行廣信公司外尋常商民須三厘年豐鮮蓋藏 糧石於四分五六分不等甚有加一者故有儲蓄銀行儲蓄分會而存款者絕少

燒鍋添火磨 興業公司德裕昌俱用機器火磨現興業歇閉機器轉移於廣信湧 **權運改鹽倉** 權運分局屬於吉黑九 年改為鹽倉旋又裁撤 **療診** 數運哈鮮 有存者

多醫院 有惠普海倫中西華美等醫院 **流通特貸莊** 設立貸莊甚多 **電燈空設廠何日發輝光** 六年邑紳金君擬集資設

電燈廠廠已建因款絀未成後歸廣信公司籌辦亦未果行

春去始栽花秋深尚食瓜裁衣竿度布 一竿計二尺五寸 **舖地斗量沙** 近城無沙惟札克沙一斗需江錢二十餘吊 **商運增車脚** 七年設商民轉運公司運脚增長 **民強搗貨牙** 四年設貨牙公司被衆搗毀旋即停辦 **年來經費絀**

一再响捐加 地方經費端特响捐八年警學費每响收江錢六吊四百文九年又加二千六百文

海倫雜詠

濱江墨林堂鉛印

教產由捐助 邑人曹丕江周顯會報効學產 **莘莘學子多** 高小三處模範一處女校二處縣立國民十六處公立國民三十七處私立國民五十處學生五千餘人 **為師**

須講習 自光緒三十四年起至九年設師範講習所七次計前後畢業者千人 **受益在觀摩** 每年開觀摩會集各校考試內外堂各科一次 **奪錦當場賽** 九年春開

運動會 **提燈繞市過** 雙十紀念辦提燈會 **課程新改定國語亦專科** 九年寒假傳習國語三月

市為工夫設 俗謂雇工為叫工夫有日工有月工農忙時工人各荷一鋤集於南三道街口牌樓下謂之工夫市 **捐從印子籌** 五年仿照省城貨莊章程設慶

慈悲修廟宇 邑人遇修廟事踴躍捐輸 **德政紀牌樓** 南三道街之木牌樓懸德政匾甚多 **罷業憐糟腿** 燒鍋造酒者

看家恃礮頭 山中獵者謂之礮頭富戶看家多雇用之 **人人爭請會大利果誰收** 八九年間請會之風頗盛者零出整入會中人除請會者外以出利息之多少定得會次序之前後謂之拔會然往往因拖累纏致生訟事

城北尊天主 海北鎮即墨字三井城北四十五里有天主堂居是鎮者多係教民 **城西紀水師** 城西有水師營某井地方 **道籌濱黑路** 清季

修蘭海鐵路改元以來部派韋溫兩工程師勘估計由馬家船口(哈爾濱江北岸呼蘭屬)起至海倫須洋五百萬元議由地方籌修每响地加收大洋一元分期繳納嗣格於部議中止四年改為濱黑鐵路(由哈爾濱起經呼蘭綏化海倫至黑河)並以江省長官為

督辦迄今又數年矣仍無成說商民望之如望歲焉 **地棄正紅旗** 東北一帶正紅旗共十六井水質不佳地多荒棄 **祇以交通阻常憂轉運遲**

連年民食足糧價遜呼綏 轉運維艱客販不至糧價低落

憶昔孤城陷 光緒三十二年城被匪陷 年來匪又狂商團今改隊 商團擴為守備隊二百名 保衛向分鄉

有用惟遊擊 十年夏各鄉保衛團改編遊擊隊五百名 難成是保防 八年籌辦保防有成立者有因乏械未立者 警兵嗟餉薄枵腹

尚奔忙 馬步警月餉僅江錢一百二十吊至一百六十吊合大洋二元左右

草煖鋪烏喇 烏喇草最煖用以鋪牀或以裹足 薪昂燼馬通 燒商澡塘多用馬糞以代薪堆積如山易生火險 窗黏油紙白 窗紙多由外糊並擦

以牆砌火爐紅 近來多用火牆 蒸氣冷凝雪 炊室多與住室相連炊時蒸氣瀰漫如在霧中其牆戶透風處及簷際蒸氣凝結潔白如雪 炊煙高避

風 煙突如塔狀高過房脊 肉山兼酒海卒歲樂融融 商民遇事則殺猪宴客過陰歷年時家家預備年菜以酒肉為大宗謂之辦年五口之家有殺猪二三口者大戶人乘有殺猪

二十餘口其價值江錢二三萬吊者

不必通媒東端盅兩姓聯 兩家聯婚以端盅或換盅為定用媒東者少媒東即庚帖 拜妝仍走轎 合香之前一日新郎至婦家謂之拜妝並沿街拜客

謂之走轎時新郎盛服各備相乘馬陪從鼓吹亦隨之 **合香又裝煙** 納采後男家到女家相親女亦出見並與各長親裝煙男家酌給錢物謂之裝煙錢至過門時新夫婦拜見親友並與親友裝煙 **養媳**

海倫雜詠 **四** 濱江墨林堂鉛印

恩常寡 童養媳謂之小接過門始多虐待 **離婚訟易纏** 離婚俗謂之八刀又曰打八刀蓋取分字之義也邑中恒有此事且常與訟 **貧家重生女納**

采每論錢 納采每用銀布(銀以勸計布以對計)及衣飾猪酒等項其多寡視家之貧富而異惟男家愈貧女家要素愈甚且有完全折以江錢者

蕞爾東安鎮 東安鎮城東北九十里又名小街基 **山邊盜匪馳** 近山股匪往來對兒店為匪出山要路 **兵房久傾圮** 鎮有營房已圮 **獵**

戶強支持 尚住有索倫人數戶以獵為生 **草甸有紅眼** 窪下地有紅色泥深沒脛且易陷入謂之紅眼哈塘 **木營多白皮** 入山砍木者為木把頭其居住之處

為木營山內多係紅皮木營山外則皆白皮木營紅皮木為松屬價貴白皮木為楊木價廉 **人烟何冷落不愧小街基**

純潔耕牛乳 再煖以文火爛熟味極濃厚適口 **猴頭味不濃** 麩屬生必成對 **酸菜備嚴冬** 每年秋蓄酸菜足為三冬之用

謂之激菜 **熊掌脂何厚** 再煖以文火爛熟味極濃厚適口 **青山雖咫尺難**

得是飛龍 飛龍形如沙雞吃火鍋時用之清湯

漫說荒寒地文明進化遲 婚喪事多沿蒙俗近始改革 **往來革蒙俗** 言語雜俄詞車快誇

摩託 汽車多令能行八年多始有汽車往來九年商會設東亞汽車公司行旅稱便 **燈光讓瓦斯利權嗟外溢** 日貨亦居奇

價且甚貴

風狂茅捲屋

土無滅性不能修建平房除瓦房外都係草房

地溼茂堆墻

在窪地草甸內掘土成長方形連帶草根謂之棧子用以堆墻能禦槍礮且經久不圯

工價

隨時漲房租按季商

租房每年以二八月為定期謂之上半年下半年因百物昂貴故房租及各種工價均隨時增漲

鄉村畏蚊蠓

盛熱時蚊蠓多小者呼為小咬

大者呼為瞎蠓人畜皆畏之山中尤甚無論家居行路恒以蠅拂相隨

城郭牧羊牛羊惟有清明節官家植樹忙

鄉人種樹在立冬前惟官家則於清明日植樹以應典然鮮有活者

水劣人多病曾勞化驗員

東北正紅旗及乾字七八行等處水質惡劣人多病婦女死亡尤甚恒有患大骨節者其人身材短小骨節粗大行路蹣跚不利操作八年春由內務部派葉常兩

虛名天乙在

天乙公司在海倫東北會領訥河海倫龍鎮通北等處荒地招墾後因訟累經年地多擱棄謂之撿荒

實惠地丁

東北鄉居民迭請蠲免租捐呈奉令准緩

至九年

屋宇成墟落膏腴等石田

人戶遷徙房料拆賣地已開而復荒

一心虔祝禱鑿井得甘泉

在正紅旗六井鑿機器井一眼深二十八九丈泉水較甘

地闊蘭蘇林慶後

江省開闢最早地方為蘭蘇林慶為呼蘭河即呼蘭縣蘇為巴彥蘇蘇即巴彥縣林為北團林子即綏化縣慶為餘慶街即慶城縣海倫開闢較遲其繁盛與呼綏巴相埒且過於慶城

海倫雜詠

五

濱江墨林堂鉛印

人從奉吉直東來

居民由此四省遷來者為多數

井田俱作高低勢

十畝為一响四十五响為一方三十六方為一井

陽雨能

防旱潦灾

地勢一凹一凸如無大灾旱潦均收

沃壤毗連三道鎮

距拜泉之三道鎮九十里

平途爭說四方台

赴綏化有東道

一條經四方台地方路平坦惟冬季不競

歷年賦率皆中等依限封租不待催

未經二次清丈田賦均按中等交納每响地納租大洋三角五分征收之款始

以小洋一二折合大洋或按市價折收江錢嗣因大洋小洋錢價懸殊財政廳通令各縣概收江錢隨時由廳規定錢價謂之法價法價之高低即以大洋之漲落為標準五六年分法價每元不過江錢十七八吊逐漸增加至十年六月已增至五十二吊矣然以法價較大洋市價仍差二十吊左右

祿馬山邊黃石堅

祿馬山俗呼哈拉巴山城東北五十里產石黃色無大塊者近年修房多用石堆築作牆基或以鋪地

烏龍溝上碧波旋

城南有四道烏

龍溝子亦匯入通肯河

鄉間利率二分老

鄉間借貸尚有古風不立契約年利三分謂之老三分

農戶工資一把先

雇工有先付一年工資者謂之一把

木炭樹稷清飲料

城內水質亦不佳水井旁設木槽二方一裝木炭樹稷沙石之類以淋水一時清水水經淋過質頗清潔

麻菰豆餅代燒煙

縣

(即麻餅)豆餅較木梓(即木柴)價廉皆作燃料豆餅每片價又貴於麻菰因燒豆餅能耐久也俗呼燃料為燒煙

車牌忽激風潮起奔走呼號為減捐

縣

舊有車捐多少不一七年財政廳發放車牌劃一車捐較前加重數倍奸民乘機造謠謂將來一鍋一窰一雞一犬皆有捐於是鄉民聚集千餘進城意圖反抗經劃切勸導始各歸業惟車捐雖經呈請減緩未邀允准

風船難到海倫河

海倫河俗呼開蘭河在城南十五里發源於城東乾字六行頭井西入通肯河向無風船往來八年擬在雷家壕子地方設埠以利航運議成未果行

札克蜿蜒

水不波

札克河俗呼札彩河城北三十里水淺而曲亦難行船

初夏年年開廟會

南門內有娘娘廟每年夏歷四月十五日演戲酬神燒香者絡繹於途

新正

處處走秧歌舉頭屋內天棚少

住戶多無天棚微風入戶灰塵亂飛殊與衛生有碍俗呼承塵為天棚

對面房中土匠多

家居因天寒屋內多有對面匠亦有一間屋而三面皆匠者無

地既產糧人嗜酒商家利厚讓燒

鍋

全境燒商三十餘家

流光彈指三年半

洵於七年一月到海十年七月去職

浩劫驚心一炬中

十年五月六日大火延燒數千間精華付之一炬

廨舍猶

存司法室

殃及縣署惟頭門及司法室救護得存

區聯仍獻太華宮

八年六月縣街曾失慎未被災者集募鉅款就城之西北隅先農壇舊址修建火神廟又將各行祖師神像附

入名為太華宮九年秋落成工程闊麗香火稱盛此次未被災者咸感神靈呵護又獻匾額對聯以酬神

拊楮灾戶恩何渥

道尹奉令查勘災區籌賑款千餘元撫慰灾民頌聲載道

接濟財

源力未充

接濟灾戶建築款項商民望奢公家力恐未逮

隨筆聊為風俗誌文詞挂漏媿難工

